



CONCELLO DE VIGO

Secretaría de Goberno Local

**D<sup>a</sup>. PATRICIA RODRÍGUEZ CALVIÑO, CONCELLEIRA-SECRETARIA DA XUNTA DE  
GOBERNO LOCAL DO CONCELLO DE VIGO**



CONCELLO DE VIGO  
Secretaría de Goberno Local

**C E R T I F I C O:** Que a Xunta de Goberno Local, na **sesión ORDINARIA do 6 de XUÑO de 2025**, adoptou o seguinte acordo:

**3.- PROGRAMACIÓN DAS FESTAS DO NADAL 2025-2026. EXPTE. 10942/106.**

Visto o informe xurídico do 16/05/2025, sométese a aprobación o informe-proposta de data 15/05/2025, asinado polo técnico medio en Topografía, o xefe da Area de Servizos Xerais e conformado polo concelleiro da Area de Goberno, que di o seguinte:

**A) OBXECTIVOS**

A creación de espazos temáticos de Nadal ambientados con iluminación decorativa, ornamentación, exposicións e actividades de ocio e comerciais constitúe un pilar fundamental do Nadal olívico, baseado na mestura de tradición, socialización e reactivación da economía local, que estende o seu impacto á área metropolitana da cidade e norte de Portugal, na procura dos seguintes obxectivos:

**Obxectivo 1.-** Promover unha oferta sociocultural desestacionalizada de inverno de calidade para a cidadanía que manteña a Vigo nun centro de referencia de ocio e traslade ao exterior unha imaxe de cidade moderna, dinámica e participativa, así como un lugar de referencia de celebración de grandes eventos.

**Obxectivo 2.-** Acadar accións transformadoras do municipio a través da programación de actividades socioculturais de Nadal xeradoras de espazos de convivencia de especial atractivo comercial e turístico que contribúan á difusión da nosa identidade social, cultural e histórica.

**Obxectivo 3.-** Favorecer a cooperación entre o sector público e privado e as entidades sen ánimo de lucro no desenvolvemento de programas de actividades de animación sociocultural nas festas tradicionais do nadal que complementen e/ou suplan aquelas de competencia municipal coa fin de apoiar e fortalecer o tecido social e económico local.

**Obxectivo 4.-** Fomentar unha cidadanía participativa e transformadora da súa contorna, implicada na mellora da súa calidade de vida e cohesión social do municipio.

**Obxectivo 5.-** Impulsar un maior posicionamento da marca Vigo reforzando a súa identidade corporativa en termos de calidade e imaxe de marca, posibilitando un maior emprendemento e economía de escala.

**Obxectivo 6.-** Fomentar acontecementos que promovan a manifestación de valores culturais, sociais e de espazos para a convivencia lúdica e de recreación na tradición popular do Nadal

entre a cidadanía, con especial consideración as súas características etnolóxicas e de especial atractivo comercial e turístico.

## **B) ACTUACIÓNS DE MELLORA REALIZADAS EN ANOS ANTERIORES**

Tendo en conta a experiencia do Concello de Vigo en pasadas edicións da Campaña de Nadal, e a súa intención de mellora continua desta, e atendendo ás diversas suxestións e queixas da cidadanía, este Concello ven adoptando unha serie de medidas correctoras (diminución contaminación acústica, mellora da mobilidade...), algunhas delas implementadas xa en campañas anteriores, destacando, entre outras as seguintes:

- 1.- Redución do horario de funcionamento das atraccións recreativas.*
- 2.- Non prórroga da instalación das atraccións recreativas do expediente 7897/106 na rúa Rosalía de Castro-Areal II.*
- 3.- Non prórroga da instalación da pista de xeo do expediente 8954/106 na Praza de Portugal.*
- 4.- Retirada das atraccións mecánicas recreativas máis ruidosas situadas na rúa Areal (entre rúa Colón e rúa Pontevedra) e na Praza de Compostela.*
- 5.- Redución do número de atraccións de alta capacidade.*
- 6.- Traslado do "Carrusel Veneciano", situado na rúa Concepción Areal (liberando este espazo) e reubicación deste na rúa Areal.*
- 7.- Instalación de novas atraccións recreativas e exposicións didácticas destinadas ao público infantil en detrimento das destinadas a uso familiar a fin de diminuír a contaminación acústica.*
- 8.- Traslado das colas da nora xigante, recolócase estas na zona traseira da nora, en paralelo aos xardíns de Eijo Garay, eliminando as colas na rúa Colón.*
- 9.- Prohibición de empregar dispositivos e mecanismos emisores de ruídos (altosfalantes, bocinas, etc...) nas atraccións.*
- 10.- Potenciación de sistemas de información visual e/ou sonora que permiten adecuar o volume dos anuncios informativos aos niveis permitidos de emisión sónica para os avisos de inicio e fin das viaxes das atraccións recreativas.*
- 11.- Supresión da música ambiente de rúas na contorna da rúa Areal, mantendo a instalación dos equipos para a emisión de anuncios informativos por motivos de seguridade.*
- 11.- Baixada do volume da música ambiente en todas as rúas nas que se atopa instalada para o cumprimento da Ordenanza municipal de ruídos.*
- 12. Redución do horario de funcionamento da música ambiente en todas as rúas na que se atopa instalada.*
- 13. Liberación de espazo na Praza de Compostela, na zona máis próxima á nora, de casetas do mercadillo do Nadal a fin de facilitar a mobilidade na contorna da nora.*
- 14.- Supresión do escenario de concertos que se viñan instalando na Praza de Compostela.*
- 15.- Limitación do volume do fío musical do mercadillo localizado no interior da Praza de Compostela e orientación dos equipos de son e música ambiente, dirixindo o son cara o centro da Praza de Compostela.*

16.- Non autorizar a iluminación do arboredo catalogado da Praza de Compostela, iluminando unicamente o resto do arboredo.

**Ademais, nesta Campaña do Nadal 2025-2026 propónse incrementar o alcance das seguintes melloras:**

- 1.- Instalación dun maior número de aseos nas zonas de maior afluencia de visitantes, máis funcionais, con fácil acceso e unha estética adecuada ao ámbito da festa.
- 2.-Continuar coas melloras para o acceso aos residentes no ámbito do Cíes Market, incluíndo máis elementos que contribúan a garantir o adecuado tránsito de vehículos e peonil.
- 3.- Seguir coa adaptación das necesidades das diferentes áreas no tocante á recollida de residuos sólidos e líquidos.
4. Continuar e ampliar o sistema de información, en tempo real, e a través de dispositivos dixitais, dos tempos de espera das colas das diferentes atraccións e da situación do tráfico dentro do ámbito da programación da Campaña do Nadal. Así mesmo, lanzaranse avisos puntuais relacionados co desenvolvemento da actividades previstas.

En base ao exposto e co fin de realizar unha axeitada planificación da programación do Nadal, este Centro Xestor de Comercio considera conveniente realizar a seguinte proposta:

### **C) PROPOSTA DE PROGRAMACIÓN PARA A CAMPAÑA DO NADAL 2025-2026**

#### **1.- ILUMINACIÓN DECORATIVA E ARTÍSTICA** (expte 9274/106):

Composto por 420 ud de rúas e prazas iluminadas cunha cifra superior a 11,5 millóns de puntos de luz led, que se relacionan no PPT do contrato licitado, e síntese seguinte:

\* *Arcos ornamentais:* 1.161 ud.

\* *Motivos ornamentais:* 2.883 ud.

\* *Iluminación en árbores naturais en distintas rúas da cidade:* 2.667 ud.

\* *Conxunto de elementos:*

- *Ornamentación nas fachadas de mercados de abastos e nos edificios municipais (Casa Galega da Cultura, Casa das Artes, Concello ... ).*
- *Ornamentación nos monumentos: Redeiros, Porta de Tamberlick, Porta de Santa Rita ...*
- *Instalación de teitos de luz con paraugas en prazas, rotondas, cruces de rúas, pérgolas e outros espazos públicos.*

\* *Árbore xigante de Nadal, sobre plataforma base escalitanata frontal enmoquetada.*

*\* Elementos lumínicos 3 D (3 mtos. alto aprox.) en distintas rúas da cidade: Máis de 50 ud.*

*\* Espectáculo de luz e son da Árbore Xigante de Nadal.*

*\* Producción técnica con equipo de luz, son e pantalla xigante para os actos de acendido e apagado.*

## **Horario:**

Acendido: Todos os días ás 18:00 h.

Apagado:

- De domingo a mércores: Ás 01:00 h
- De xoves a sábado, e vésperas de festivos e festivos: Ás 04:00 h
- Nas noites do 23, 24, 25, 30, 31 de decembro e nas noites do 1, 5 e 6 de xaneiro, permanecerá acendido todas as noites ata ao amencer.

Estas datas e horarios poderanse alterar puntualmente dependendo das necesidades do Servizo de Comercio.

## **2.- ORNAMENTACIÓN CON ELEMENTOS FIGURATIVOS LUMÍNICOS VEXETAIS E NON VEXETAIS (expte 8586/106):**

A síntese do contido conforme ao proxectos decorativos presentados en prazo inclúen:

**\* Lote nº 1.- Trece sets decorativos** de Nadal con elementos vexetais efímeros e outros figurativos de estrutura de madeira, fibra de vidro, resina epoxi, con base enmoquetada, descritos no proxecto decorativo a instalar nas rúas P. Sanz, Príncipe, Eduardo Iglesias, G. Barbón, Elduayen e Barrio Histórico.

**\* Lote nº 2.- Seis instalacións decorativas** lumínicas xeométricas transitables de gran porte identificadas no proxecto decorativo, subministro, montaxe, desmonte e mantemento, a instalar na rúa P. Sanz, Gran Vía, García Barbón, Vía Norte, Paseo de Alfonso e Elduayen.

**\* Lote nº 3.- Doce instalacións decorativas** lumínicas non transitables de porte medio identificados no proxecto decorativo, subministro, montaxe, desmonte e mantemento da instalación, a instalar nas rúas Príncipe, P. Sanz, Vía Norte, Urzáiz, García Barbón, Paseo de Alfonso e Elduayen.

## **Horarios:**

Todos os sets e elementos lumínicos estarán abertos de forma permanente durante toda a campaña de Nadal. A súa iluminación adecuarase ao seguinte horario:

Acendido: Todos os días ás 18:00 h.

Apagado:

- De domingo a mércores: Ás 01:00 h

- De xoves a sábado, e vésperas de festivos e festivos: Ás 04:00 h
- Nas noites do 23, 24, 25, 30, 31 de decembro e nas noites do 1, 5 e 6 de xaneiro, permanecerá acendido todas as noites ata ao amencer.

Estas datas e horarios poderanse alterar puntualmente dependendo das necesidades do servizo de Comercio.

### **3.- EXPOSICIÓN BELEN MONUMENTAL** (expte 10070/106)

Con grande aceptación entre a cidadanía desde o seu inicio na Campaña 2017-2018. Os resultados recollidos superaron con creces as expectativas previstas, superando o medio millón de visitantes.

Localización: Casa das Artes

\* A síntese do contido do proxecto expositivo unido ao expediente e presentado en prazo, inclúe:

- Belén Monumental.
- Belén infantil.
- Zona de exposición fotográfica.
- Zona de exposición de escenas individuais.
- Zona de photocall.

Zona de control de satisfacción.

- Data de inauguración prevista da exposición: 2<sup>a</sup> quincena de novembro de 2025.
- Periodo expositivo: 2<sup>a</sup> quincena de novembro a 1<sup>a</sup> quincena de xaneiro de 2026.

Os horarios da exposición serán os seguintes:

De luns a xoves: de 17:00 h a 21:30 h.

Venres: de 10:00 h a 14:00 h e de 17:00h a 21:30h

Sábados, domingos e festivos: de 11:00h a 21:30h.

**Días especiais:** 5, 7, 23, 24 e 30 e 31 de decembro e 5 de xaneiro: de 12:00h a 19:00 h; días 25 de decembro, 1 e 6 de xaneiro de 17,00 a 21,30 h.

**Visitas Guiadas:** segunda semana de decembro de 10 h a 14 h, visitas guiadas de 30 minutos, dirixidas aos centros educativos e centros sociais de maiores, cun máximo de 30 persoas por quenda, previamente concertadas, e cun mínimo de 40 quendas. As visitas fixaranse segundo a orde de presentación da solicitudes a través do Rexistro Xeral do Concello de Vigo. As peticións deberán vir dirixidas ao Servizo de Comercio.

Estas datas e horarios poderanse alterar puntualmente dependendo das necesidades do Servizo de Comercio.

### **4.- MEGAFONÍA DE AMBIENTE MUSICAL EN ZONAS COMERCIAIS** (expte 7819/106)

Ámbito territorial de actuación:

**ZONA 1:** Paseo de Alfonso, rúa Elduayen, Porta do Sol, Praza da Princesa, Praza da Constitución, rúa Triunfo, Praza da Pedra, rúa Príncipe, rúa Eduardo Iglesias, rúa Velázquez Moreno, rúa Carral, rúa Policarpo Sanz e rúa Colón.

**ZONA 2:** rúa Camelias, rúa Pi y Margall, rúa López Mora e rúa Torrecedeira.

**ZONA 3:** rúa Gran Vía, rúa Urzáiz e rúa Venezuela.

**ZONA 4:** rúa Urzáiz, rúa Pizarro, rúa Condesa Casa Barcena e rúa Honduras.

**ZONA 5:** rúa Areal, rúa Colón, rúa Rosalía de Castro e García Barbón.

**ZONA 6:** (Navia) rúa Teixugueiras.

**ZONA 7:** (Bouzas), Praza Urzáiz, Praza Suárez Llanos, Praza M. de Santos, rúa Paulino Freire, rúa Pescadores e rúa Eduardo Cabello.

**ZONA 8:** (Teis) rúa Sanjurjo Badía, contorna mercado de Teis e rúa Pedro Alvarado.

**ZONA 9:** (Castrelos): Avenida Alcalde Portanet e Avenida Castrelos

#### **Horario:**

- Venres, sábados e vésperas de festivos: De 11:00 h a 14:00 h e de 17:00 h a 21:00h.

- Días restantes, domingos e festivos: De 18:00 h a 20:30 h.

As datas, os horarios e as rúas poderanse alterar puntualmente dependendo das necesidades do Servizo de Comercio.

### **5.- OCUPACIÓN DEMANIAIS CON MERCADOS TEMÁTICOS DE NADAL E ATRACCIÓN RECREATIVAS XESTIONADAS POR ENTIDADES PRIVADAS**

Atendendo ás autorizacións administrativas de ocupación demanial para a xestión e aproveitamento dos seguintes emprazamentos con atraccións recreativas e outras actividades en vigor:

#### **5.1.- Cíes Market’’: mercadillo temático de Nadal e atraccións recreativas**

Localización: *A desenvolver nos espazos abertos ao público da contorna da Praza de Compostela, na rúa Areal e nos xardíns Eijo Garay.*

##### **Mercadillo (Praza de Compostela):**

*\* Casetas prefabricadas de venda ambulante decoradas con temática do Nadal.*

*\* Carriños móbiles adicados a venda de perritos e chucherías decorados con temática do Nadal.*

*\* Pérgola de madeira decorada e iluminada con temática do Nadal en todo o teito do mercadillo.*

*\* Máquinas de neve artificial e son que se instalarán na pérgola.*

*\* Máquinas de vending decoradas con temática do Nadal.*

**Atraccións (rúa Concepción Areal, Xardíns Eijo Garay e rúa Areal- entre rúa Colón e rúa Pontevedra). Prevense as seguintes (ou similares):**

- *Nora adultos.*
- *Nora infantil.*
- *Mini pistas infantís.*
- *Jumpings.*
- *Casetas xogos de destreza.*
- *Casetas de doces e lambetadas.*
- *Carrusell clásico.*
- *Carrusell de cadeas.*

**Tren turístico:**

*\* Tren turístico facendo un percorrido pola zona centro da cidade.*

**Servizos hixiénicos:**

*\* Servizos hixiénicos sanitarios para dar servizo a todo o ámbito.*

**Horario:**

- Laborables: Apertura ás 17:00 h, peche ás 22:30 h a excepción do 21 de decembro ao 16 de xaneiro (período vacacións de Nadal) peche ás 23:00 h
- Venres, sábados e vésperas de festivo, apertura as 11:00 h, peche ás 00:30 h
- Domingos e Festivos: Apertura ás 11:00 h, peche ás 23:30 h
- Días 24 e 31 de decembro, apertura ás 11:00 h, peche ás 20:00 h e 5 de xaneiro apertura ás 11:00 H, peche ás 22:00 h.

Estas datas e horarios poderanse alterar puntualmente dependendo das necesidades do Servizo de Comercio.

**5.2.- Mercado temático de Nadal no Calvario**

*O mercado localizarase e desenvolverase na contorna peonil da rúa Urzáiz no Calvario e comprenderá a instalación de elementos portátiles, desmontables na vía pública, para actividades recreativas, venda ambulante e restauración ocasional.*

Incluirá, como mínimo:

- \* *Casetas prefabricadas de venda ambulante decoradas con temática do Nadal.*
- \* *2 ud. de atracciones e actividades recreativas de animación infantil con temática do Nadal.*
- \* *Programación de actividades de animación de rúa.*
- \**Servizos hixiénicos sanitarios, limpeza, mantemento e seguridade da zona.*

Todos os elementos instalados estarán ornamentados e iluminados con temática do Nadal.

### **Horario:**

- Laborables: Apertura ás 17:00 h, peche ás 22:30 h a excepción do 21 de decembro ao 16 de xaneiro (período vacacións de Nadal) peche ás 23:00 h
- Venres, sábados e vésperas de festivo, apertura as 11:00 h, peche ás 00:30 h
- Domingos e Festivos: Apertura ás 11:00 h, peche ás 23:30 h
- Días 24 e 31 de decembro, apertura ás 11:00 h, peche ás 20:00 h e 5 de xaneiro apertura ás 11:00 H, peche ás 22:00 h.

Estas datas e horarios poderanse alterar puntualmente dependendo das necesidades do Servizo de Comercio.

### **5.3.- Outros espazos e actividades**

|                        |                  | <b>Lugar</b>             |
|------------------------|------------------|--------------------------|
| Atraccións recreativas | Carrusel clásico | Porta do Sol             |
|                        | Pista de xeo     | Aparcamento de Samil     |
|                        | Pista de kart    | Aparcamento de Samil     |
|                        | Tren turístico-1 | Percorrido centro cidade |
|                        | Tren turístico-2 | Percorrido Zona Travesas |

|              |                                            |                                               |
|--------------|--------------------------------------------|-----------------------------------------------|
|              | Actividad expositiva/cultural/ interactiva | Explanada Náutico                             |
| Espectáculos | Circo de Nadal e actividade complementaria | <i>Praza Mestre Prudencio Rodríguez, Coia</i> |

#### **Horario:**

- Laborables: Apertura ás 17:00 h, peche ás 22:30 h a excepción do 21 de decembro ao 16 de xaneiro (período vacacións de Nadal) peche ás 23:00 h
- Venres, sábados e vésperas de festivo, apertura as 11:00 h, peche ás 00:30 h
- Domingos e Festivos: Apertura ás 11:00 h, peche ás 23:30 h
- Días 24 e 31 de decembro, apertura ás 11:00 h, peche ás 20:00 h e 5 de xaneiro apertura ás 11:00 H, peche ás 22:00 h.

Estas datas e horarios poderanse alterar puntualmente dependendo das necesidades do Servizo de Comercio.

#### **5.4.- Novos espazos ao aire libre con atraccións e actividades recreativas**

Tras quedar desertos na pasada campaña as licitacións de diversos espazos abertos ao público con instalacións portátiles e/ou desmontables, propónse ampliar novamente a programación destes espazos coa incorporación de novos proxectos de actividades recreativas ocasionais preferiblemente de carácter innovador coa temática de nadal (espectáculos de inverno, atraccións 3D, mercadillo do Nadal e actividades de animación do Nadal).

O Concello promoverá o procedemento administrativo mediante a oportuna licitación da licenza/autorización conxunta ou individual de ocupación de dominio público en réxime de concorrencia pública.

##### **5.4.1 Mercado temático do Nadal na Alameda Suárez Llanos (Bouzas)**

*O mercado desenvolverase na Alameda Suárez Llanos e comprenderá a instalación de casetas tematizadas do Nadal desmontables, actividades recreativas, venda ambulante e restauración ocasional.* Todas as instalacións deberán estar ornamentadas e iluminadas de acordo coa temática do Nadal.

Incluirá, como mínimo:

*\* Casetas prefabricadas con acabado, decoración e iluminación temática do Nadal formando un mercadillo do Nadal.*

*\* Actividades recreativas infantís con decoración do Nadal*

#### **Horario:**

- Laborables: Apertura ás 17:00 h, peche ás 22:30 h a excepción do 21 de decembro ao 16 de xaneiro (período vacacións de Nadal) peche ás 23:00 h
- Venres, sábados e vésperas de festivo, apertura as 11:00 h, peche ás 00:30 h
- Domingos e Festivos: Apertura ás 11:00 h, peche ás 23:30 h
- Días 24 e 31 de decembro, apertura ás 11:00 h, peche ás 20:00 h e 5 de xaneiro apertura ás 11:00 H, peche ás 22:00 h.

Estas datas e horarios poderanse alterar puntualmente dependendo das necesidades do Servizo de Comercio.

#### **5.4.2. Pista de xeo/rampas de neve/ actividades deportivas de inverno (ou similar), tiovivo de estilo clásico e casetas do Nadal na Praza C C Vialia.**

Localización: A desenvolver no espazo aberto ao público da Praza do C C Vialia. Incluirá:

*\* Pistas de xeo/rampas de neve/actividades deportivas de neve (ou similar) con dúas zonas diferenciadas: infantil e adulto.*

*\* Casetas prefabricadas que poderán acoller actividades expositivas interactivas ou venda ambulante, con acabado, decoración e iluminación temática do Nadal.*

*\* Tiovivo de estilo clásico.*

#### **Horario:**

- Laborables: Apertura ás 17:00 h, peche ás 22:30 h a excepción do 21 de decembro ao 16 de xaneiro (período vacacións de Nadal) peche ás 23:00 h
- Venres, sábados e vésperas de festivo, apertura as 11:00 h, peche ás 00:30 h
- Domingos e Festivos: Apertura ás 11:00 h, peche ás 23:30 h
- Días 24 e 31 de decembro, apertura ás 11:00 h, peche ás 20:00 h e 5 de xaneiro apertura ás 11:00 H, peche ás 22:00 h.

Estas datas e horarios poderanse alterar puntualmente dependendo das necesidades do Servizo de Comercio.

### **6.- OUTRAS ACTIVIDADES DE PROMOCIÓN E DINAMIZACIÓN DO NADAL**

Obxectivo: Consiste nunha programación de actos institucionais de apertura e peche do Nadal, así como actividades de animación sociocultural dirixidas á dinamización comercial e participación da cidadanía.

Lugar: Porta do Sol e principais zonas comerciais.

Público obxectivo: Poboación en xeral.

Tarefas e accións: O desenvolvemento do programa concrétase no deseño, difusión, execución e seguimento de diversas accións e actividades que se detallan a continuación:

### **6.1.- Acto de acendido e apagado das luces**

Localización: Porta do Sol

Data prevista do acto de acendido: 2ª quincena de novembro de 2025

Data prevista do acto de apagado: 1ª quincena de xaneiro de 2026.

Retransmisión en directo mediante streaming, pantalla xigante destinada ao público asistente, con desenvolvemento de efectos especiais.

### **6.2.- Casa de Papá Noel e Carteiro Real**

Organización e contratación da prestación de servizo de atrezzo e personaxes, localizada na caseta ambientada no Nadal na rúa Policarpo Sanz, dende a 2ª quincena do mes de novembro ata a 1ª quincena do mes de xaneiro.

Horario: diario, en todo o período de 17:00 a 21:00 h, e, a maiores, os sábados, domingos e festivos, de 11:00 a 14:00 h.

### **6.3.- Visitas de Papá Noel e Carteiro Real ás zonas comerciais**

Selección e posterior organización e contratación de visitas a zonas comerciais dende a 2ª quincena do mes de novembro ata a primeira semana do mes de xaneiro.

Os percorridos previstos a realizar, e que poderán ser sometidos a cambios en funcións das necesidades do Servizo, realizaranse nas rúas e prazas das principais áreas comerciais da cidade:

- Calvario.
- Travesas.
- Torrecedeira.
- Entorno Xeral.
- Travesía de Vigo.
- Teis.
- Balaidos.

- Navia.
- Coia.
- Bouzas.

#### **6.4.- Actividades de animación de rúa en zonas comerciais.**

Selección e posterior organización e contratación de actuacións de pequeno formato (corais, grupos folclóricos, pasarrúas de rondallas, bandas de gaitas, animacións infantís, eventos gastronómicos, etc..)

#### **6.5.-Actividades de dinamización na zona centro da cidade**

Lugares: Porta do Sol, rúa Policarpo Sanz, rúa Colón, Casa Galega da Cultura, lugares de culto e contorna destes espazos.

Preténdese a realización de concertos musicais de pequeno formato destinados ao público en xeral: orfeón de corais, concertos matinais de bandas de música, vocais, barroco, panxoliñas; proxeccións interactivas de luz e son e inmersivas sobre o chán ou fachada, etc.

### **D.- ESTUDO ACÚSTICO DAS ACTIVIDADES PROGRAMADAS**

En todas aquelas actividades onde se poidan xerar ruídos procedentes de altosfalantes, anuncios informativos, maquinaria e instalacións das atraccións recreativas e xogos infantís; as empresas adxudicatarias dos lotes afectados deberán presentar un estudo acústico previo a montaxe de tales equipos e instalacións susceptibles de emisión de ruídos molestos para a cidadanía ao obxecto de evitar o incumprimento da normativa vixente.

No caso de que o estudo acústico determine a imposibilidade do cumprimento da normativa de ruídos, a empresa adxudicataria deberá solicitar ao Servizo Xestor, ao amparo do artigo 9 da Lei 37/2003, de 17 de novembro, do ruído (tamén, o artigo 7 do Decreto 106/2015, de 9 de xullo, sobre contaminación acústica de Galicia), a posibilidade de suspensión provisional dos obxectivos de calidade acústica, tendo en conta os seguintes requisitos e límites:

- Carácter de excepción e restritivo da aplicación do precepto.
- Con motivo da organización de actos de especial proxección oficial, cultural, relixiosa ou de natureza análoga cun espazo temporal corto.
- Medidas necesarias a adoptar e condicionantes para garantir a mínima incidencia acústica durante a suspensión provisional e temporal dos obxectivos de calidade acústica.
- Limitando os niveis sonoros de emisión durante o período de excepción.

Así mesmo, cómpre sinalar, tamén, que entre as posibles condicións ás que pode someterse a suspensión solicitada é a limitación de horario de funcionamento das instalacións. Lémbrese que

segundo a OMRV os niveis de ruído máximo admisibles redúcense considerablemente a partir das 22:00 horas.

*Non se poderá instalar ningún tipo de maquinaria, nin montar equipos ou instalacións que poidan xerar ruídos sin a xustificación e verificación previa do cumprimento da Ordenanza Municipal de Ruídos e Vibracións do Concello de Vigo, ou se acorde a suspensión provisional dos obxectivos de calidade acústica.*

## **E.- MEDIDAS COMPLEMENTARIAS**

- Continuar coa tramitación dun **estudo do tráfico de vehículos** que conteña a reordenación do mesmo en superficie co obxecto de facilitar a fluidez e tránsito dos residentes das zonas afectadas e en particular as persoas de mobilidade reducida.
- **Seguir co control da contaminación acústica** nas zonas de influencia da programación do Nadal ao obxecto de garantir o cumprimento da normativa de ruídos e a ordenanza municipal, incluíndo as melloras realizadas nos últimos anos.
- Reubicación de **prazas afectadas para persoas con mobilidade reducida**.
- **Continuar traballando na ampliación do espazo peonil actual** no ámbito da programación do Nadal, co obxecto de dotar dunha maior fluidez e en evitación da concentración de público e prevención de grandes aglomeracións,
- **Continuar co reforzo do servizo de limpeza e baleirado de papeleiras** e reubicación dos colectores das rúas de maior concentración, mobilidade e ornato, cara a espazos secundarios.
- **Reubicación ou retirada se procede, do mobiliario urbano** afectado pola Programación do Nadal.
- **Seguir coas medidas implantadas de protección sobre as zonas verdes e arboredo afectado**.
- **Continuar coa mellora da sinalética informativa (aparcamentos, primeiros auxilios e sentidos de circulación nos carrís peonís).**
- **Seguir co reforzo do control policial**, principalmente durante os días de gran afluencia.
- **Continuar traballando no reforzo e habilitación as zonas de aparcamento**, con aparcamentos disuasorios e lanzadeiras de comunicación coas zonas do ámbito do Nadal.

Polo anteriormente exposto, elévase a Xunta de Goberno Local, como órgano competente para a aprobación do programa segundo Resolución da Alcaldía de data 20.06.2023 a seguinte proposta:

**PRIMEIRO.-** Aprobar a programación de Nadal 2025-2026.

**SEGUNDO.-** Publicar o presente acordo na páxina web do Concello de Vigo.

**TERCEIRO.-** Dar traslado aos servizos municipais afectados da programación de Nadal 2025-2026.

**ACORDO**

A Xunta de Goberno local aproba a proposta contida no precedente informe.

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo na data da sinatura dixital.

SGF/if.

V. e Pr.

O ALCALDE,  
Abel Caballero Álvarez.